

AKTA UNIVERSITI DAN KOLEJ UNIVERSITI 1971

PERLEMBAGAAN UNIVERSITI MALAYA 2010

KAEDAH-KAEDAH UNIVERSITI MALAYA (PENGAJIAN IJAZAH PERTAMA) 2013

SUSUNAN KAEDAH

BAHAGIAN I PERMULAAN

Kaedah	muka surat
1. Nama, Mula Berkuatkuasa Dan Pemakaian	3
2. Tafsiran	4

BAHAGIAN II SYARAT PENERIMAAN MASUK

3. Kemasukan Ke Program Pengajian Universiti	6
4. Kemasukan Pelajar Pemerhati	7

BAHAGIAN III PENDAFTARAN

5. Pendaftaran Sebagai Pelajar Program Pengajian	7
6. Pendaftaran Kursus	8
7. Pertukaran Program Pengajian	8

BAHAGIAN IV BAYARAN

8. Menjelaskan Bayaran	8
9. Hak Mengubah Kadar Yuran Dan Bayaran	9
10. Tempoh Menjelaskan Yuran Pengajian Dan Bayaran Lain	9
11. Kegagalan Menjelaskan Yuran Pengajian Dan Bayaran Lain	9

BAHAGIAN V
TEMPOH PROGRAM PENGAJIAN

12.	Tempoh Program Pengajian	9
13.	Tempoh Minimum Dan Tempoh Maksimum Program Pengajian	9
14.	Penggantungan Program Pengajian Pelajar	9

BAHAGIAN VI
STRUKTUR PROGRAM PENGAJIAN

15.	Program Pengajian	10
16.	Struktur Program Pengajian	10
17.	Penilai Luar Program	10
18.	Komponen Kursus	10

BAHAGIAN VII
SISTEM PENASIHAT AKADEMIK

19.	Fungsi Penasihat Akademik	11
-----	---------------------------	----

BAHAGIAN VIII
PEPERIKSAAN

20.	Jenis Peperiksaan	11
21.	Jawatankuasa Pemeriksa	12

BAHAGIAN IX
PENGURNIAAN IJAZAH

22.	Syarat Pengijazahan	12
-----	---------------------	----

BAHAGIAN X
AM

23.	Penamatan Status Akademik Pelajar	12
24.	Kuasa Senat Membuat Peraturan	12
25.	Pengecualian Pemakaian	12
26.	Pematuhan Akta Universiti Dan Kolej Universiti 1971, Perlembagaan Universiti Malaya, Statut, Kaedah-Kaedah Dan Peraturan-Peraturan Universiti	13
27.	Pembatalan	13

AKTA UNIVERSITI DAN KOLEJ UNIVERSITI 1971

PERLEMBAGAAN UNIVERSITI MALAYA 2010

KAEDAH-KAEDAH UNIVERSITI MALAYA (PENGAJIAN IJAZAH PERTAMA) 2013

Pada menjalankan kuasa-kuasa yang diberi oleh subseksyen 37(1) Perlembagaan Universiti Malaya 2010 [P.U. (A) 444] Lembaga Pengarah Universiti Malaya membuat kaedah-kaedah berikut:

BAHAGIAN I PERMULAAN

1. Nama, Mula Berkuatkuasa Dan Pemakaian

- (1) Kaedah-kaedah ini bolehlah dinamakan Kaedah-Kaedah Universiti Malaya (Pengajian Ijazah Pertama) 2013 dan hendaklah mula berkuatkuasa mulai Sesi Akademik 2013/2014.
- (2) Kaedah-Kaedah ini hendaklah terpakai kepada semua pelajar Universiti Malaya yang mengikuti program pengajian ijazah pertama mulai Sesi Akademik 2013/2014 KECUALI pelajar yang mengikuti program pengajian Ijazah Sarjana Muda Perubatan dan Ijazah Sarjana Muda Pembedahan (MBBS), Ijazah Sarjana Muda Pembedahan Pergigian (BDS) dan Ijazah Sarjana Muda Jurisprudens (Eksternal).
- (3) Walau apapun yang dinyatakan di subkaedah (2) –
 - (a) pelajar sebelum Sesi Kemasukan 2010/2011 akan terus tertakluk kepada tempoh dan struktur program pengajian seperti ditetapkan dalam Kaedah-Kaedah Universiti Malaya (Pengajian Ijazah Pertama) 2006 dan peraturan-peraturan yang dibuat di bawahnya.
 - (b) pelajar sebelum Sesi Kemasukan 2013/2014 akan terus tertakluk kepada kaedah pengiraan PNG dan PNGK seperti ditetapkan dalam Kaedah-Kaedah Universiti Malaya (Pengajian Ijazah Pertama) 2010 dan peraturan-peraturan yang dibuat di bawahnya.

2. Tafsiran

Dalam Kaedah-Kaedah ini, melainkan jika konteksnya menghendaki makna yang lain –

“bidang pengajian” ertinya pengkhususan yang ditawarkan di dalam sesuatu program pengajian;

“Bursar” ertinya seorang pegawai Universiti yang dilantik menurut seksyen 14 Perlembagaan Universiti Malaya;

“Dekan Fakulti” ertinya Dekan Fakulti Universiti dan termasuklah mana-mana Pengarah atau Ketua Akademi, Pusat, Sekolah dan Institut yang dilantik menurut peruntukan subseksyen 24(4) dan (5) Perlembagaan Universiti Malaya;

“Fakulti” ertinya mana-mana Fakulti Universiti dan termasuklah mana-mana Akademi, Pusat, Sekolah dan Institut yang ditubuhkan menurut peruntukan subseksyen 24(1) Perlembagaan Universiti Malaya;

“Ijazah” ertinya Ijazah Sarjana Muda atau Ijazah Pertama Universiti;

“Jabatan” ertinya mana-mana Jabatan Pengajian Fakulti dan termasuklah mana-mana Bahagian Pengajian Fakulti;

“Jawatankuasa Pemeriksa” ertinya Jawatankuasa yang ditubuhkan oleh Senat atas perakuan Fakulti untuk mempertimbangkan keputusan peperiksaan dan menjalankan apa-apa kuasa lain yang diberi kepadanya menurut peruntukan Kaedah-Kaedah ini atau peraturan-peraturan yang berkenaan;

“Kalendar Pengajian” ertinya tempoh pengajian yang terdiri daripada minggu kuliah, minggu ulangkaji, minggu peperiksaan dan cuti dalam sesuatu semester yang mana tarikh permulaan dan tarikh akhirnya hendaklah sepertimana yang ditetapkan oleh Naib Canselor;

“kredit” ertinya ukuran kuantitatif yang melambangkan volum pembelajaran atau beban pembelajaran untuk mencapai hasil pembelajaran tertentu;

“kredit dapat” ertinya suatu kredit yang diperolehi oleh seseorang pelajar bagi sesuatu kursus yang dijalani dalam program pengajiannya tetapi gred yang diperolehi bagi kursus tersebut tidak diambil kira di dalam pengiraan PNG dan PNGK;

“kredit kira” ertinya suatu kredit yang diperolehi oleh seseorang pelajar bagi sesuatu kursus yang dijalani dalam program pengajiannya dan gred

yang diperolehi bagi kursus tersebut diambil kira di dalam pengiraan PNG dan PNGK;

“kursus” ertinya satu unit pengajian atau latihan yang disediakan dalam satu tempoh tertentu, biasanya dalam satu semester, yang menyumbang kredit kepada sesuatu program pengajian;

“kursus diaudit” ertinya kursus yang didaftarkan dan dihadiri oleh pelajar tanpa menduduki peperiksaan;

“major” ertinya pakej kursus yang ditawarkan oleh Fakulti yang berjumlah antara 50% hingga 60% daripada jumlah keseluruhan kredit yang ditetapkan untuk sesuatu program pengajian;

“minor” ertinya pakej kursus yang ditawarkan oleh Fakulti yang berjumlah antara 25% hingga 30% daripada jumlah keseluruhan kredit yang ditetapkan untuk sesuatu program pengajian;

“Naib Canselor” ertinya ketua pegawai eksekutif dan akademik bagi Universiti yang dilantik menurut peruntukan subseksyen 12(1) Perlembagaan Universiti Malaya;

”Pendaftar” ertinya seorang pegawai Universiti yang dilantik menurut seksyen 14 Perlembagaan Universiti Malaya;

“pelajar” ertinya seseorang pelajar berdaftar yang sedang mengikuti kursus yang ditawarkan oleh Universiti bagi sesuatu program pengajian Ijazah dan disenaraikan dalam daftar pelajar Universiti menurut peruntukan subkaedah 5(2);

“PNG” ertinya Purata Nilai Gred yang ditentukan dengan membahagikan jumlah mata gred yang diperolehi dengan jumlah kredit yang diambil dalam sesuatu semester;

“PNGK” ertinya Purata Nilai Gred Kumulatif yang ditentukan dengan membahagikan jumlah mata gred yang diperolehi dengan jumlah kredit yang telah diambil mulai semester pertama sehingga semester terkini;

“program pengajian” ertinya sekumpulan kursus dan/atau latihan yang dirancang dan disediakan bagi memenuhi keperluan untuk dianugerahkan Ijazah;

“program profesional” ertinya program pengajian yang memerlukan pengiktirafan atau yang diiktiraf oleh sesebuah badan profesional;

“Senat” ertinya salah satu Pihak Berkuasa Universiti yang ditubuhkan menurut peruntukan subseksyen 22(1) Perlembagaan Universiti Malaya;

“semester” ertinya tempoh tertentu di dalam sesuatu sesi dan terdiri daripada Semester Biasa dan Semester Khas;

“Semester Biasa” ertinya Semester I atau Semester II sepertimana yang dinyatakan di dalam Jadual Semester;

“Semester Khas” ertinya semester yang diadakan selepas Semester II yang tempohnya lebih pendek daripada Semester Biasa;

“Sesi Akademik” ertinya tempoh pengajian sesuatu program pengajian yang terdiri daripada Semester Biasa dan Semester Khas yang tarikh permulaan dan tarikh tamatnya ditetapkan oleh Naib Canselor;

“Sesi Kemasukan” ertinya sesi bilamana seseorang pelajar diterima masuk ke sesuatu program pengajian.

“Tahun Kalendar” ertinya jangka waktu (masa) yang lamanya dua belas bulan;

“Universiti” ertinya Universiti Malaya.

BAHAGIAN II **SYARAT PENERIMAAN MASUK**

3. Kemasukan Ke Program Pengajian Universiti

- (1) Setiap calon yang ingin mengikuti program pengajian di Universiti Malaya hendaklah:
 - (a) memenuhi keperluan syarat am Universiti dan keperluan khas program pengajian yang ditetapkan oleh Senat;
 - (b) disahkan oleh Doktor Perkhidmatan Klinik Kesihatan Pelajar Universiti mempunyai tahap kesihatan yang memuaskan dan tidak menghidap apa-apa penyakit atau apa-apa kecacatan anggota yang boleh mengganggu pengajian di Universiti;
 - (c) membayar yuran tertentu; dan
 - (d) mendaftar sebagai pelajar program pengajian.
- (2) Dalam keadaan tertentu, kemasukan pelajar adalah tertakluk kepada keputusan Senat atas perakuan Jawatankuasa Pemilihan Kemasukan Fakulti yang berkenaan serta memenuhi subkaedah (1)(b), (c) dan (d) di atas.

- (3) Kemasukan bagi program pengajian adalah pada permulaan Semester I atau Semester II setiap sesi akademik.
- (4) Setiap tawaran kemasukan adalah untuk sesuatu semester dan sesi tertentu.

4. Kemasukan Pelajar Pemerhati

- (1) Pelajar Pemerhati ialah calon daripada luar Universiti yang diluluskan untuk mengikuti kursus-kursus tertentu di Universiti, sama ada atau tidak untuk tujuan mendapat gred dan/atau kredit. Mereka bukanlah pelajar program pengajian Universiti.
- (2) Kemasukan Pelajar Pemerhati hendaklah atas budi bicara Dekan Fakulti.

BAHAGIAN III **PENDAFTARAN**

5. Pendaftaran Sebagai Pelajar Program Pengajian

- (1) Pemohon yang ditawarkan oleh Universiti untuk mengikuti program pengajian Ijazah dan menerima tawaran tersebut dikehendaki mendaftar mengikut prosedur yang ditetapkan oleh Universiti.
- (2) Tertakluk kepada subkaedah (3) di bawah, sesiapa yang mendaftar seperti yang tersebut di subkaedah (1) dikenali sebagai pelajar Universiti dan nama pelajar tersebut hendaklah disenaraikan dalam daftar pelajar Universiti sehingga pelajar berjaya menamatkan program pengajiannya dan Senat mengesahkan pelajar tersebut layak dianugerahkan ijazah atau sehingga atas sebab tertentu pelajar tersebut hilang kelayakannya sebagai pelajar Universiti mengikut mana yang terdahulu.
- (3) Setiap pelajar yang telah mendaftar untuk program pengajian yang telah ditawarkan kepadanya hendaklah mendaftar secara berterusan dengan Universiti dan sekiranya gagal berbuat demikian akan terhenti daripada menjadi pelajar dan namanya akan digugurkan daripada senarai daftar pelajar.
- (4) Penangguhan pengajian hanya boleh dipertimbangkan atas sebab perubatan dan tempoh penangguhan ini tidak akan diambilkira sebagai sebahagian daripada tempoh pengajian yang ditetapkan.

Tawaran akan diluputkan sekiranya pelajar tidak juga mendaftar pada semester atau sesi berikut yang berkenaan.

- (5) Walau apapun yang dinyatakan oleh subkaedah (1) dan tertakluk kepada subkaedah (3), Senat boleh menggunakan budi bicaranya untuk menamatkan pendaftaran mana-mana pelajar pada bila-bila masa sekiranya Senat berpendapat pelajar tersebut tidak mampu meneruskan program pengajiannya. Nama pelajar tersebut hendaklah digugurkan daripada senarai daftar pelajar Universiti dan pelajar tersebut hendaklah terhenti daripada menjadi pelajar Universiti. Keputusan Senat yang dibuat menurut peruntukan subkaedah (5) ini adalah muktamad.
- (6) Pelajar tidak dibenarkan mendaftar serentak untuk program pengajian lain yang membawa kepada penganugerahan sesuatu diploma/ijazah pertama/ijazah tinggi di Universiti atau di institusi atau universiti lain.

6. Pendaftaran Kursus

Setiap pelajar dikehendaki mendaftar kursus-kursus pada setiap semester mengikut syarat-syarat yang ditetapkan di dalam Peraturan-Peraturan yang dibuat di bawah Kaedah-Kaedah ini.

7. Pertukaran Program Pengajian

- (1) Seseorang pelajar yang telah mendaftar program pengajian yang ditawarkan tidak dibenarkan untuk membuat pertukaran program pengajiannya.
- (2) Walau apapun yang dinyatakan oleh subkaedah (1) di atas, dalam keadaan-keadaan tertentu seseorang pelajar boleh memohon untuk dipertimbangkan pertukaran program pengajian tertakluk kepada syarat-syarat yang ditetapkan di dalam Peraturan-Peraturan yang dibuat di bawah Kaedah-Kaedah ini.

BAHAGIAN IV **BAYARAN**

8. Menjelaskan Bayaran

Pelajar hendaklah menjelaskan semua yuran dan bayaran lain mengikut peraturan seperti mana yang ditetapkan oleh Universiti.

9. Hak Mengubah Kadar Yuran Dan Bayaran

Pihak Universiti mempunyai hak mutlak untuk mengubah kadar yuran dan apa-apa kadar bayaran lain yang ditetapkan tanpa notis terlebih dahulu kepada pelajar.

10. Tempoh Menjelaskan Yuran Dan Bayaran Lain

Pelajar hendaklah membayar semua yuran dan bayaran lain dalam tempoh yang ditetapkan oleh Universiti.

11. Kegagalan Menjelaskan Yuran Dan Bayaran Lain

Kegagalan seseorang pelajar menjelaskan semua yuran dan bayaran lain dalam tempoh yang ditetapkan oleh Universiti boleh menyebabkan pelajar berkenaan dihalang daripada mendapat keputusan peperiksaan bagi semester berkenaan dan mendaftar kursus pada semester berikutnya atau statusnya sebagai pelajar Universiti ditamatkan.

BAHAGIAN V
TEMPOH PROGRAM PENGAJIAN

12. Tempoh Program Pengajian

Pelajar hendaklah mengikuti dan menamatkan program pengajiannya dalam tempoh yang ditetapkan.

13. Tempoh Minimum Dan Tempoh Maksimum Program Pengajian

Tempoh minimum dan maksimum bagi menyempurnakan sesuatu program pengajian adalah seperti berikut:

Sistem Pengajian	Minimum	Maksimum
Enam Semester	6 semester	10 semester
Tujuh Semester	7 semester	11 semester
Lapan Semester	8 semester	12 semester

14. Penggantungan Program Pengajian Pelajar

Tempoh pengantungan program pengajian pelajar yang dikenakan hukuman di bawah Kaedah-Kaedah Universiti Malaya (Tatatertib Pelajar-Pelajar) 1999 tidak boleh diambil kira dalam tempoh maksimum program pengajian.

BAHAGIAN VI **STRUKTUR PROGRAM PENGAJIAN**

15. Program Pengajian

Program pengajian yang ditawarkan oleh Universiti adalah seperti mana yang ditetapkan dalam Jadual kepada Kaedah-Kaedah ini dan yang diluluskan dari semasa ke semasa.

16. Struktur Program Pengajian

Pelajar dikehendaki mengikuti dan memenuhi jumlah kredit keseluruhan yang ditetapkan bagi program pengajian masing-masing seperti mana yang diluluskan oleh Senat.

17. Penilai Luar Program

Penilai Luar Program hendaklah dilantik oleh Senat bagi setiap program pengajian yang ditawarkan oleh Universiti bagi –

- (1) memantau piawaian (standard) sesuatu program pengajian ijazah yang dianugerahkan adalah setanding dan konsisten dengan program yang sama yang ditawarkan oleh universiti-universiti terkemuka dunia;
- (2) mengesahkan bahawa tahap piawaian adalah menepati taraf dan keperluan ijazah yang ditawarkan;
- (3) memastikan proses penilaian adalah bersesuaian, adil dan dikendalikan mengikut peraturan yang ditetapkan oleh Universiti;
- (4) memastikan keperluan sesuatu akreditasi oleh badan profesional atau yang seumpamanya dipenuhi; dan
- (5) memastikan bahawa penganugerahan sesuatu ijazah adalah setanding dan konsisten dengan universiti-universiti terkemuka dunia yang mempunyai program seumpamanya.

18. Komponen Kursus

Setiap program pengajian hendaklah mengandungi tiga komponen kursus, iaitu Kursus Universiti (15% - 20%), Kursus Teras (50% - 60%) dan Kursus Elektif/Minor (25% - 30%). Bagi maksud Kaedah-Kaedah ini –

- (1) “Kursus Universiti” bermaksud kursus-kursus yang ditetapkan oleh Universiti sebagai kursus yang wajib diikuti oleh setiap pelajar Ijazah Pertama;

- (2) “Kursus Teras” bermaksud kursus-kursus yang ditentukan oleh Fakulti sebagai kursus yang wajib diikuti oleh pelajar di Fakulti berkenaan yang terdiri daripada kursus teras fakulti atau kursus teras program dan/atau kursus teras jabatan atau kursus teras pengkhususan;
- (3) “Kursus Elektif/Minor” bermaksud kursus-kursus yang boleh terdiri daripada elektif fakulti atau elektif jabatan atau kursus-kursus minor.

BAHAGIAN VII **SISTEM PENASIHAT AKADEMIK**

19. Fungsi Penasihat Akademik

- (1) Dekan Fakulti hendaklah memastikan satu Panel Penasihat Akademik dilantik di kalangan pensyarah untuk membimbing pelajar dalam perancangan program pengajiannya.
- (2) Penasihat Akademik bertanggungjawab bagi –
 - (a) membantu pelajar dalam pemilihan kursus dan bilangan kredit yang pelajar akan ambil sebelum semester bermula; dan/atau
 - (b) memberikan bimbingan kepada pelajar dalam mengatasi masalah pembelajaran, jika ada, berdasarkan kemajuan pengajian pelajar.
- (3) Dekan Fakulti bertanggungjawab untuk menentukan kaedah pelaksanaan sistem Penasihat Akademik di Fakulti masing-masing.

BAHAGIAN VIII **PEPERIKSAAN**

20. Jenis Peperiksaan

Maka hendaklah ada peperiksaan bagi tiap-tiap program pengajian yang dijalankan oleh Universiti yang boleh dibuat secara peperiksaan akhir dan penilaian berterusan (ujian bertulis, ujian lisan, amali atau penilaian

praktikum, tugas kursus, penilaian ikhtisas) serta kaedah penilaian lain seperti mana yang diluluskan oleh Senat atas perakuan Fakulti.

21. Jawatankuasa Pemeriksa

Maka hendaklah ada Jawatankuasa Pemeriksa yang berasingan bagi setiap program pengajian.

BAHAGIAN IX **PENGURNIAAN IJAZAH**

22. Syarat Pengijazahan

Ijazah Sarjana Muda Universiti boleh dikurniakan kepada seseorang pelajar yang telah –

- (1) memenuhi segala kehendak Kaedah-Kaedah ini dan apa-apa peraturan yang dibuat di bawahnya;
- (2) memenuhi keperluan lain Universiti yang bukan bersifat akademik;
- (3) diperakukan supaya dikurniakan ijazah oleh Jawatankuasa Pemeriksa dan diluluskan oleh Senat; dan
- (4) membayar semua yuran dan bayaran lain yang ditetapkan.

BAHAGIAN X **AM**

23. Penamatan Status Akademik Pelajar

Senat berhak menamatkan status akademik seseorang pelajar yang didapati telah memberikan maklumat palsu atau tidak benar berkenaan dengan kemasukannya ke Universiti.

24. Kuasa Senat Membuat Peraturan

Senat boleh membuat peraturan-peraturan pada amnya sebagaimana yang perlu bagi maksud melaksanakan atau menguatkuasakan peruntukan Kaedah-Kaedah ini.

25. Pengecualian Pemakaian

Walau apapun yang dinyatakan di bawah Kaedah-Kaedah ini dan peraturan-peraturan yang dibuat di bawahnya, Senat berhak

mengecualikan pemakaian Kaedah-Kaedah ini atau mana-mana peruntukan Kaedah-Kaedah ini ke atas mana-mana program pengajian ijazah Universiti.

26. Pematuhan Akta Universiti Dan Kolej Universiti 1971, Perlembagaan Universiti Malaya, Statut, Kaedah-Kaedah Dan Peraturan-Peraturan Universiti

Setiap pelajar adalah tertakluk kepada semua peruntukan yang dinyatakan di bawah Akta Universiti dan Kolej Universiti 1971, Perlembagaan Universiti Malaya, statut, kaedah-kaedah dan peraturan-peraturan lain yang sedia terpakai di Universiti termasuk Kaedah-Kaedah Universiti Malaya (Tatatertib Pelajar-Pelajar) 1999.

27. Pembatalan

Tertakluk kepada peruntukan kaedah 1(3), Kaedah-Kaedah Universiti Malaya (Pengajian Ijazah Pertama) 2010 adalah dengan ini dibatalkan.

Dibuat pada 22hb. Ogos 2013.

Tan Sri Datuk Arshad Ayub
Pengerusi
Lembaga Pengarah Universiti Malaya

**JADUAL
(KAEDAH 15)**

SENARAI PROGRAM PENGAJIAN

Bil.	Nama Program	Tempoh Pengajian Minimum
AKADEMI PENGAJIAN ISLAM		
1	Sarjana Muda Pendidikan Islam (Pengajian Al-Quran)	8 semester
2	Sarjana Muda Pendidikan Islam (Pengajian Islam)	8 semester
3	Sarjana Muda Pengurusan Muamalat	8 semester
4	Sarjana Muda Syariah & Undang-Undang	8 semester
5	Sarjana Muda Syariah (Astronomi Islam)	7 semester
6	Sarjana Muda Syariah (Fiqh dan Usul)	7 semester
7	Sarjana Muda Syariah (Sains Politik Islam)	7 semester
8	Sarjana Muda Syariah (Syariah dan Ekonomi)	7 semester
9	Sarjana Muda Usuluddin (Akidah dan Pemikiran Islam)	7 semester
10	Sarjana Muda Usuluddin (Al-Quran dan Al-Hadith)	7 semester
11	Sarjana Muda Usuluddin (Dakwah dan Pembangunan Insan)	7 semester
12	Sarjana Muda Usuluddin (Sejarah dan Tamadun Islam)	7 semester
13	Sarjana Muda Pengajian Islam dan Sains	8 semester
14	Sarjana Muda Pengajian Islam dan Teknologi Maklumat	8 semester
AKADEMI PENGAJIAN MELAYU		
15	Sarjana Muda Pengajian Melayu (Bahasa Melayu)	6 semester
16	Sarjana Muda Pengajian Melayu (Kesenian Melayu)	6 semester
17	Sarjana Muda Pengajian Melayu (Kesusasteraan Melayu)	6 semester
18	Sarjana Muda Pengajian Melayu (Linguistik Melayu)	6 semester
19	Sarjana Muda Pengajian Melayu (Sosio-Budaya Melayu)	6 semester
FAKULTI ALAM BINA		
20	Sarjana Muda Pengurusan Harta Tanah	8 semester
21	Sarjana Muda Sains Seni Bina	6 semester
22	Sarjana Muda Seni Bina	4 semester
23	Sarjana Muda Ukur Bahan	8 semester
24	Sarjana Muda Ukur Bangunan	8 semester
25	Sarjana Muda Perancangan Bandar dan Wilayah	8 semester

FAKULTI BAHASA DAN LINGUISTIK		
26	Sarjana Muda Bahasa dan Linguistik (Bahasa Arab)	7 semester
27	Sarjana Muda Bahasa dan Linguistik (Bahasa Inggeris)	7 semester
28	Sarjana Muda Bahasa dan Linguistik (Bahasa Cina)	7 semester
29	Sarjana Muda Bahasa dan Linguistik (Bahasa Tamil)	7 semester
30	Sarjana Muda Bahasa dan Linguistik (Bahasa Jepun)	7 semester
31	Sarjana Muda Bahasa dan Linguistik (Bahasa Itali)	7 semester
32	Sarjana Muda Bahasa dan Linguistik (Bahasa Jerman)	7 semester
33	Sarjana Muda Bahasa dan Linguistik (Bahasa Sepanyol)	7 semester
34	Sarjana Muda Bahasa dan Linguistik (Bahasa Perancis)	7 semester
35	Sarjana Muda Bahasa dan Linguistik Jerman Dengan Pendidikan	8 semester
FAKULTI EKONOMI DAN PENTADBIRAN		
36	Sarjana Muda Ekonomi	7 semester
FAKULTI KEJURUTERAAN		
37	Sarjana Muda Kejuruteraan (Alam Sekitar)	8 semester
38	Sarjana Muda Kejuruteraan (Bahan)	8 semester
39	Sarjana Muda Kejuruteraan (Rekabentuk dan Pembuatan Terbantukan Komputer)	8 semester
40	Sarjana Muda Kejuruteraan (Pembuatan)	8 semester
41	Sarjana Muda Kejuruteraan (Telekomunikasi)	8 semester
42	Sarjana Muda Kejuruteraan (Awam)	8 semester
43	Sarjana Muda Kejuruteraan Bioperubatan	8 semester
44	Sarjana Muda Kejuruteraan (Elektrik)	8 semester
45	Sarjana Muda Kejuruteraan (Kimia)	8 semester
46	Sarjana Muda Kejuruteraan (Mekanik)	8 semester
47	Sarjana Muda Kejuruteraan Bioperubatan (Prostetik dan Ortotik)	8 semester
FAKULTI PENDIDIKAN		
48	Sarjana Muda Kaunseling	8 semester
49	Sarjana Muda Pendidikan (Pengajaran Bahasa Inggeris Sebagai Bahasa Kedua)	8 semester
50	Sarjana Muda Pendidikan Awal Kanak-Kanak	8 semester
51	Sarjana Muda Pendidikan (Pengurusan Pendidikan)	8 semester
FAKULTI PERNIAGAAN DAN PERAKAUNAN		
52	Sarjana Muda Pentadbiran Perniagaan	7 semester
53	Sarjana Muda Perakaunan	8 semester

FAKULTI PERUBATAN		
54	Sarjana Muda Sains Bioperubatan	8 semester
55	Sarjana Muda Farmasi (Kepujian)	8 semester
56	Sarjana Muda Sains Kejururawatan	6 semester
57	Sarjana Muda Perubatan dan Sarjana Muda Pembedahan	5 tahun
58	Sarjana Muda Pengimejan Perubatan	8 semester
FAKULTI PERGIGIAN		
59	Sarjana Muda Pembedahan Pergigian	5 tahun
FAKULTI SAINS		
60	Sarjana Muda Sains (Bioinformatik)	7 semester
61	Sarjana Muda Sains (Biokimia)	7 semester
62	Sarjana Muda Sains (Bioteknologi)	7 semester
63	Sarjana Muda Sains (Ekologi dan Biodiversiti)	7 semester
64	Sarjana Muda Sains (Fizik)	7 semester
65	Sarjana Muda Sains (Genetik dan Biologi Molekul)	7 semester
66	Sarjana Muda Sains (Geografi)	7 semester
67	Sarjana Muda Sains (Geologi Gunaan)	7 semester
68	Sarjana Muda Sains (Geologi)	7 semester
69	Sarjana Muda Sains (Kimia Gunaan)	7 semester
70	Sarjana Muda Sains (Kimia)	7 semester
71	Sarjana Muda Sains (Matematik Aktuari dan Kewangan)	8 semester
72	Sarjana Muda Sains (Matematik Komputeran dan Industri)	7 semester
73	Sarjana Muda Sains (Matematik)	7 semester
74	Sarjana Muda Sains (Mikrobiologi)	7 semester
75	Sarjana Muda Sains (Pengajian Sains dan Teknologi)	7 semester
76	Sarjana Muda Sains (Sains dan Pengurusan Alam Sekitar)	7 semester
77	Sarjana Muda Sains (Sains Biokesihatan)	7 semester
78	Sarjana Muda Sains (Statistik)	7 semester
79	Sarjana Muda Sains Dengan Pendidikan	8 semester
80	Sarjana Muda Sains (Sains Bahan)	7 semester
FAKULTI SAINS KOMPUTER DAN TEKNOLOGI MAKLUMAT		
81	Sarjana Muda Sains Komputer (Kejuruteraan Perisian)	7 semester
82	Sarjana Muda Sains Komputer (Kepintaran Buatan)	7 semester
83	Sarjana Muda Sains Komputer (Sistem dan Pengurusan Maklumat)	7 semester

84	Sarjana Muda Sains Komputer (Sistem dan Rangkaian Komputer)	7 semester
85	Sarjana Muda Teknologi Maklumat (Multimedia)	7 semester
86	Sarjana Muda Teknologi Maklumat (Pengurusan)	7 semester
FAKULTI SASTERA DAN SAINS SOSIAL		
87	Sarjana Muda Sastera (Antropologi dan Sosiologi)	7 semester
88	Sarjana Muda Sastera (Geografi)	7 semester
89	Sarjana Muda Sastera (Inggeris)	7 semester
90	Sarjana Muda Sastera (Matematik)	7 semester
91	Sarjana Muda Sastera (Pengajian Alam Sekitar)	7 semester
92	Sarjana Muda Sastera (Pengajian Antarabangsa dan Strategik)	7 semester
93	Sarjana Muda Sastera (Pengajian Asia Timur)	7 semester
94	Sarjana Muda Sastera (Pengajian Asia Tenggara)	7 semester
95	Sarjana Muda Sastera (Pengajian India)	7 semester
96	Sarjana Muda Sastera (Pengajian Tionghoa)	7 semester
97	Sarjana Muda Sastera (Pentadbiran dan Keadilan Sosial)	7 semester
98	Sarjana Muda Sastera (Sejarah)	7 semester
99	Sarjana Muda Sastera (Pengajian Media)	7 semester
FAKULTI UNDANG-UNDANG		
100	Sarjana Muda Undang-Undang	8 semester
101	Sarjana Muda Jurisprudens (Eksternal)	3 tahun
PUSAT KEBUDAYAAN		
102	Sarjana Muda Seni Persembahan (Muzik)	6 semester
103	Sarjana Muda Seni Persembahan (Drama)	6 semester
104	Sarjana Muda Seni Persembahan (Tari)	6 semester
PUSAT SUKAN		
105	Sarjana Muda Sains Sukan (Pengurusan Sukan)	7 semester
106	Sarjana Muda Sains Sukan (Sains Ekseis)	7 semester